

tus est diabolo, & angelis eius. Hæc Aug. Hinc seipsum quilibet iudicare potest ex propria loquela, & auditu, si audit, & loquitur de superioribus, ac celestibus, superior est, & celestis. Si de inferioribus diaboli operibus de luxuria, vana gloria, diuitiis ac voluptatibus seculi, cæterisque turpitudinibus, inferior est, cuius patria est infernus sicut diuitiis epulonis. Luc. 6.

Audistis fiduciam, & lingue vinculum, quod diabolus operatur in filiis dissidentibus. Audiamus si quis deceptus est, sua culpa, surdus factus, & mutus, quemadmodum curari poterit, docuit hoc dominus in curatione huius, de quo euangelium. Quinque per ordinem circa hunc egrum acta sunt. Primum adductus est ab aliis orantibus pro eo. Et quis efficacior orator, quam sponsa Christi ecclesia, quam sponsus libenter audit, & exaudit? Nam & id se factorum multipliciter promisit. Qui ergo se surdum, & mutum agnoscit, ita ut ipse ad dominum accedere formidet, mittat pro se ecclesiam, lingat se ecclesie precibus, & officiis, & se commendet deuotis Dei famulis, sibi que procurent intercessores elemosynis, per quos adduci possit ad dominum. Iacobus. Orate pro inuicem, ut saluemini, quia multum valet oratio iusti assidua. Consyderet grauitatem, & periculum huius spiritualis infirmitatis, & vigilet, & discurrat, non det animæ suæ requiem, hoc libenter subeat pro æterna morte cauenda, quod faceret pro temporali morte differenda. Secundum est, ut se separet à turba relinquat societates noxias, quæ nullo diuinæ legis freno reguntur, quorum voluntas propria vitæ suæ regula est, quibus minus curæ est offendere Deum, quam canem, quorum nedum actus sunt peruersi, sed mens, & cogitatio simul, & verba sonant patriam infernalem, quibus pœna est audire, vel loqui de superis. Illos enim nisi quis deserat, curari non potest. Nam ut dicit glossa, prima salutis via est, de turba educi. Item teste Isido. Qui tangit picem, inquinabitur ab ea, nec habitans cum fer

pentibus diu tutus erit. Impossibile est nouam vitam inchoare, nisi recedatur à veteri. Et quomodo potest auditum celestium recuperari apud eos, ubi nunquam talia resonant, quæ audire refugiant? Aut quomodo potest lingua solui ad verba salutis, ubi iuges resonent blasphemie, maledictiones, perituri, lasciuie, turpitudines, detractiones, & iniuriosum.

Tertium est immissio digitorum Christi in aurículas. Per digitos secundum glossam intelliguntur dona sancti spiritus, quibus aures cordis aperiuntur ad intelligenda, & suscipienda verba salutis, his donis in cognitione veritatis, & affectu charitatis perfici, est digitus Christi in aures cordis suscipere, & cum affectu desyderare, nam sicut per dexteram filius, ita per digitos intelligitur spiritus sanctus, secundum illud hymni. Dextere Dei tu digitus, vel per digitos manus, intelliguntur discretæ operationes, unde tunc digitos in aurículas suscipit, dicitur quæ audiendo intelligere potest, opere perficit. Hoc enim maxime digni reddit intelligere maiora, si minora intellecta ad opus deduxit. Hinc dominus Matth. 25. Euge serue bono. & fide, quia in paucis fuisti fidelis, supra multa te constituiam. Quartum tactus lingue saluina oris domini. Sputum, vel salua ex ore domini secundum glossam sapor est sapientie Dei, quæ dicit, Ego ex ore altissimi prodii. Eccl. 24. hec linguam tangit, dum ad verba confessionis fidei, eiusque saporem instruit, ut iam non libeat vanis, aut facinorosis, sed nec ociosis sermonibus linguam accomodare, sed omnia loquenda prius per libram diuinæ sapientie ponderare. Linguam nostram tangit salua domini, quotiens ad lingue nostre refrenationem memoramur verborum diuinæ sapientie. De omni verbo ocioso, quod locuti fuerint homines, reddent rationem in die iudicii, Nam ex verbis tuis iustificaberis, & ex verbis tuis condemnaberis, Mat. 12. Et illius 1. Cor. 5. Corrumpti bonos mores colloquia mala. Et illud ad Eph. 4. Prophana multiloquia deuota, omnis

Cur dominus in istis indigitos in aurículas sursi